

四庫全書考證

二九

舊



成集書叢




行發館書印務商

國家圖書館典藏
由國家圖書館數位化



四庫全書考證

(二十九)



08247
9937
29
四庫全書考證卷七十一

子部

御定康濟錄

御定性理大全書

格致鏡原

讀書紀數略

花木鳥獸集類

世說新語

唐國史補

唐新語


玉泉子

唐摭言

北夢瑣言


四庫全書考證

卷七十一



二九五五

007499



賈氏譚錄

澠水燕談錄

東齋紀事

玉壺野史

東軒筆錄

墨客揮犀

楓牕小牘

侯鯖錄

過庭錄

萍州可談

高齋漫錄

蒙齋筆談

張氏可書

聞見錄

聞見後錄



程史

獨醒雜志

四朝閑見錄



四庫全書考證

卷七十一

二九五七

御定康濟錄

卷一

漢文帝條。方春和時。刊本和時二字互倒。據漢書改。

景帝後元二年條。不事官職耗亂者。刊本不事訛事有。據漢書改。

卷三上

開粥廠總論條。余忠宣刊本宜訛烈。今改。

御定性理大全書

卷二

通書誠上篇。元亨誠之通注。動靜互根。刊本根訛振。今改。

卷十

皇極經世書觀物內篇。太陽之體數十注。四者四象之數也。刊本象訛家。據周易改。

卷十一

觀物外篇。長則分。分則消。消則翕也。刊本翕訛兮。據易學啟蒙改。

卷二十四

洪範皇極內篇九變成樂注。若樂六變。天神皆可得而禮矣。刊本六訛八。又南呂爲羽。刊本呂訛宮。並據周禮改。

格致鏡原 大學士陳元龍撰

卷一 乾象類

天類。東方蒼天。原本蒼訛昊。據淮南子改。又三爲從天。四爲應天。原本從訛順。據太玄經改。渾天儀類。周髀術數具存。驗之天狀。多所遺失。原本術訛行。據晉書志改。

卷二

星類。又有四表。中間爲天衢。爲天關。原本關訛淵。據晉書志改。

卷三

雲類。衛雲如犬。周雲如輪。原本犬訛火。據史記改。

卷五 坤輿類

海類。有北客駭其說。因詰之。原本詰訛詰。今改。

卷七

石類。桃林在弘農湖城縣休牛之山。原本牛訛馬。據博物志改。

卷九

井類。諸葛丞相往觀。後而火轉盛熱。原本後而訛視。後據博物志改。
城類。城郭自禹始也。原本脫城字。據博物志增。

卷十

土類。金色照鬼魅。猶如石鏡不得藏形也。原本石鏡訛照面。據拾遺記改。

卷十三 冠服類

冠類。侍中中常侍加黃金附蟬爲文。原本脫爲文二字。據後漢書增。

卷十五

衣類。負繩及踝以應直。原本負訛員。據禮記改。

卷十七

佩類。疾日嚴卯。帝令夔化。原本化訛龍。據漢書改。

卷十九 宮室類

屋類。廡廡平臺也。原本廡廡訛屠蘇。據廣雅改。
寺類。或名淨住舍。原本住訛往。據法苑珠林改。

卷二十

牕類。綺寮河漢在鍼樓。原本鍼訛斜。據溫庭筠集改。

卷二十一 飲食類

茶類。草木繁密。雲霧蒙蔽。原本蒙訛窺。據茶經改。

卷二十二

酒類。五曰沈齊。注如今造清酒也。原本清訛渭。據周禮注改。

粥類。夢人以兩甌麻粥與之。覺而乳大出。因此豐足。原本豐訛驚。據南史改。

卷二十四

膾類。腮後髻前。原本髻前訛耆門。據酉陽雜俎改。

卷二十七 布帛類

絲類。四絲爲係。足勝一鈞。原本鈞訛鈎。據梁四公記改。

葛布類。刻龍象銜之。或爲蝦蟇。原本脫或字。據酉陽雜俎增。

各種布類。寶幪積帶。原本寶字訛在帶字下。據魏都賦改。

卷二十九 舟車類

車類。番禺生奚仲。奚仲生吉光。原本禺訛禹。據山海經改。又但以青縑爲蓋。羽毛爲後戶。原本後上行。

無字據獨斷改。又樊讀如聲。原本聲訛擊。據周禮注改。又棨戟韜以黼繡。繫大蝦蟆幡。原本脫幡字。據晉書增。

卷三十朝制類

璽類。榮陽人尹千于嵩山東南見天雨石。原本脫尹千二字。據南齊書增。

印類。鳳芝龍朮。受命無疆。原本脫命字。據杜陽編增。

魚袋類。自後內外升朝。文武皆帶魚。原本後訛袋。據宋史改。

圭類。璧琮九寸。侯以享天子。原本子訛下。據考工記改。

卷三十二珍寶類

珠類。有聲。砉然破柱。乃大蜈蚣。原本砉訛磬。據稗史類編改。

玉類。瑗。好倍肉也。原本好肉二字互訛。據爾雅改。又始皇二年。騫霄國畫工者名烈裔。原本騫霄訛審涓。據拾遺記改。

卷三十三

水晶類。堂庭之山多水玉。原本庭訛夜。據山海經改。

銀類。臯塗山多銀黃金。原本銀黃二字互倒。脫金字。據山海經改增。

卷三十五

錢類。吳大帝嘉禾五年鑄大錢。原本禾訛平。據吳志改。

卷三十七 文貝類

筆類。採秋毫之穎芒。原本穎訛類。據成公綏賦改。

卷三十八

硯類。兩足正方匣。有容足處。原本脫足正二字。據東坡雜說增。

卷四十

印章類。今以爲印池。似甚合宜。原本脫爲字。今增。

卷四十一 武備類

甲類。函人爲甲。注。謂上旅下旅札續之數也。原本札訛相。據周禮注改。

卷四十二

炮類。李密令田茂廣造雲旛三百具。原本茂訛戊。旛訛礮。據新唐書改。

卷四十五 樂器類

鐘類。炎帝之孫伯陵生鼓延爲鐘。原本延訛遂。據山海經改。

磬類。浮瀛卽瀛洲也。原本上瀛字訛磬。據拾遺記改。

卷四十七

鼓類。鞞人爲臯陶。長六尺有六寸。原本脫尺字。據考工記增。

卷四十八 耕織器物類

耙類。無齡爲杓。原本杓訛八。據玉篇改。

治絲具類。羅車。趙魏之間謂之歷鹿車。原本羅訛緯。據方言改。

卷五十 日用器物類

炭類。復入炭汁河。煮銅爲銀。原本脫爲銀二字。據酉陽雜俎增。

卷五十二

甕類。淮汝之間謂之甍。原本甍訛缶。據方言改。

卷五十三 居處器物類

案類。王大旅上帝則張氈案。原本張訛設。據周禮改。

牀類。齊魯之間謂之簀。原本簀訛篔。又東齊海岱之間謂之樺。原本樺訛梓。並據方言改。

卷五十五 香奩器物類

釵類。漢武元鼎元年起招仙閣。原本仙訛靈。據洞冥記改。

步搖類。八爵九華。熊獸赤熊。原本獸訛虎。據晉書改。

卷五十七 燕賞器物類

香類。大可六七圍。原本脫大字。據酉陽雜俎增。又辟寒香。丹丹國所出。原本脫一丹字。據述異記增。又焚升霄降靈之香。原本脫降字。據杜陽編增。

卷六十 玩戲器物類

彈類。九味和。搗三千杵。齊手丸之。陰乾。原本脫手字。據酉陽雜俎增。

卷六十一 穀類

稻類。有浹日稻。種之十旬而熟。原本句訛日。又有明清稻。食之延年。原本明訛陰。並據拾遺記改。

卷六十四 木類

桑類。此是偃桑。但樹長大耳。原本此訛桑。據神異經改。

卷六十五

楓類。楓木之老者爲人形。原本脫楓字。據述異記增。

卷六十六

諸木類。心空中有瓢。輕白可愛。原本心訛如。據酉陽雜俎改。又上林賦。鮮支黃礫。原本上林訛子虛。今

改。又沙門陀沙尼拔陀。原本拔訛皮。據花木考改。

卷六十七

異木類。洞野之山有樹。青葉赤華。名若木。原本洞訛灰。據山海經改。

卷六十八草類

芝類。太守張景佚。原本佚訛儉。據新唐書改。

卷六十九

雜草類。姑媯之山。原本媯訛搖。據山海經改。

卷七十一花類

牡丹花類。長安興善寺素師院。原本寺訛坊。據酉陽雜俎改。

卷七十七鳥類

鳳類。蛇頸而魚尾。原本頸訛頭。據說苑改。又本始元年。鳳凰集膠東。四年。鳳皇集北海郡。原本四上行。

十字據漢書刪

鶴類。蠖蝥卽山雞也。原本蠖訛蠕。據蜀都賦改。

吐綬雞類。頭頰似雉。原本頰訛頰。據酉陽雜俎改。

卷七十八

雀類。釋氏書言雀沙生。原本沙生訛卻火。據酉陽雜俎改。

卷七十九

鵠類。梁宋之間謂之鵠屬。原本鵠訛雛。據方言改。

鵠類。遇鷺鳥。能激糞射之。原本射訛銜。據酉陽雜俎改。

卷八十

鷄類。火雞出滿刺加山谷。原本滿訛蒲。據洞冥記改。

卷八十一

諸鳥類。天帝山有鳥如鶉。原本鶉訛雕。據山海經改。

又難產者。以其爪置之胸腹間。立效。原本胸訛脆。

據博物志改。

卷八十四 獸類

馬類。上豪。駟白曰驪。原本脫白字。據埤雅增。

卷八十五

馬類。下管青相。唇吻。原本吻訛臆。據呂氏春秋改。

卷八十六

牛類。犛。以芻莖養牛也。原本莖訛莖。據說文改。

羊類。毅。復視之。則皆矯顧怒步。原本毅訛數。據柳毅傳改。

卷八十七

犬類。長喙者名獫狁。原本喙訛口。據爾雅注改。又伊尹請正南以短狗爲獻。原本短訛矩。據汲冢周書改。

又天子之豪牛豪馬。虬狗豪羊。原本虬訛龍。據穆天子傳改。又茂陵少年李亨好馳逐鷹犬。原本亨訛亭。據西京雜記改。又犬出南走達家。得答書。原本脫得書二字。據述異記增。

卷八十九

諸獸類。蔓聯之山有獸焉。其壯如禺。原本蔓聯訛邊春。又苦山有獸。名曰山膏。其狀如逐。原本脫如字。並據山海經改增。

卷九十三 水族類

諸異魚類。余怪而詢于土人曰。此番車魚也。原本余訛餘。今改。又其中多鱖鱒之魚。狀如雀。十翼。可禦火。原本可禦訛善御。又其狀如魚而大首。原本大訛六。又深澤中有魚焉。其狀如鯉。原本深上行彩字。並據山海經改刪。

卷九十四

龜類。季夏命漁師登龜取鼈。原本季夏訛九月。據月令改。鼈類。過海輒相負于背。高尺餘。原本負訛積。據酉陽雜俎改。

卷九十五

蟹類。骨眼蝸腹。蝓頭鬣足。原本腹訛服。據傳臑蟹譜改。又大蛇尋至。蟹與盤鬪良久。原本與訛許。今改。卷九十六 昆蟲類

蠶類海濱人取作釣緇。原本釣訛約。據事物紺珠改。

蠅類懷中出一桐木合子。方數寸。原本寸訛方。據杜陽編改。

卷九十八

蜥蜴類或謂之蜚易。原本蜚訛刺。據方言改。

卷九十九

蛇類君當爲邊將。以東爲名。原本名訛後。據風俗通改。

卷一百

蟾蜍類擣生汁。滴入目中。去翳障。原本目訛耳。今改。

讀書紀數略 福建巡撫宮夢仁撰

卷四

日食條不書日者二注。食旣二刊本二訛四。據春秋改。

卷十五

明十六帝條。武宗注。厚照。孝宗子。在位十六年。世宗注。厚熹。興獻王子。刊本照熹二字並訛煉字。據明史改。

卷二十一

七十二賢條。公西與如。注。子上臨胸侯。刊本缺胸侯二字。據闕里文獻考補。

卷二十二

五子條。求邳豹。公孫枝于晉。刊本枝訛支。據左傳改。
後魏輔相條。邱堆。刊本缺堆字。據北史補。

卷二十三

三鑑。注。魏徵沒。朕亡一鑑矣。刊本脫一字。據通鑑增。

卷二十六

皮日休六愛條。真隱。注。謂盧徵君鴻。刊本脫鴻字。據唐書增。

卷三十五

顓頊五官條。木正。刊本正訛官。據左傳改。

三館條。集賢院。刊本院訛館。據唐書改。

卷三十八

兵九地條。死地。注。疾戰則存。刊本存訛有。據孫子改。

卷三十九

景祐四時薦新條。季夏羞以芡。刊本芡訛茨。據通志改。

卷五十三

十二日物名條。稱社君者鼠也。刊本缺社君二字。據抱朴子補。

花木鳥獸集類 石門貢生吳寶芝撰

卷上

牡丹花條。吉祥寺中錦千堆。原本吉訛古。據東坡集改。

桂花條。八樹成林。原本林訛推。據山海經改。

梅花條。唐王昌齡字少伯。有梅花詩。落落寞寞路不分。夢中喚作梨花雲。案所引乃王建夢看梨花雲詩。

非王昌齡作也。附識。

橘子條。沛國桓儼字文林。罷縣居揚州。原本文訛入。

柑子條。異聞錄。漢武帝時。董元素自江南來。上召見。留宿翰林。夜召與語。案留宿翰林。漢時無翰林之名。

羣芳譜引異聞錄亦無此四字。

柿子條。風標却似邑中黔。原本邑訛色。據左傳改。

石榴條。此齊安德王延宗納趙郡李祖收女爲妃。母宋氏薦二石榴于帝前。原本脫收字。宋訛宗。並據北

史增改。

楓條。杜牧之詩。遠上寒山石徑斜。原本牧之訛荀鶴。據全唐詩改。
柳條。長時須拂馬。密處可藏鴉。原本須訛鬚。據李義山集改。

卷中

鶴條。有鶴能舞。稱羊公鶴。原本脫羊字。據世說增。

燕條。帝令燕往視之。鳴若宮商。案宮商。呂氏春秋作謚隘。

啄木條。能曲爪畫地爲印。則穴之塞自開。原本脫開字。據埤雅增。

雞條。紀渚子爲周宣王養鬪雞。原本渚訛濱。據列子改。

羊溝之雞。三歲爲株。原本株訛秣。據困學紀聞改。

鴨條。羽毛知獨立。黑白太分明。原本太訛不。據杜工部集改。

卷下

象條。體具十二肖肉。原本肖訛少。據埤雅改。

麋條。凡含血之物。肉差易長。原本差訛羗。據埤雅改。

狼條。宋王懿字仲德。原本字仲訛宗軍。據白帖改。

世說新語 宋劉義慶撰 梁劉孝標注

卷上之上

德行叔度汪汪注奉高之器譬諸汎濫案汎濫通鑑作汎檻爾雅云檻泉正出汎泉穴出也此誤
李元禮有盛名注膺問高明祖父嘗與僕周旋乎刊本僕訛儀據後漢書改
禰衡被魏武謫爲鼓吏注復擊鼓摻過而去刊本過訛槌據後漢書改
王右軍與謝太傅共登冶城條文王盱食注自朝至於日中是刊本脫中字據尙書增

卷上之下

文學褚季野語孫安國條北人看書如顯處視月注難周則識闇刊本周訛問據別本改
宣武集諸名勝講易注動靜有常刊本常訛爲據周易改

卷中之上

方正魏文帝受禪陳羣有感容注義形于色刊本形於訛於其據吳勉學本改
周伯仁條時刁玄亮爲尙書令注勃海饒安人刊本饒訛旣據晉書地理志改
雅量王夷甫與裴景聲志好不同注邈字景聲河東聞喜人刊本喜訛善據晉書地理志改

卷中之下

賞譽世目謝當爲令達注超悟令上也刊本超訛招據吳勉學本改

卷下之上

容止魏明帝使后弟毛曾與夏侯玄共坐注玄甚恥之不悅形於色刊本脫不字據魏志增

唐國史補唐李肇撰

卷上

李馬二家條執金吾聞奏刊本脫吾字今增

卷下

李舟好事條堅如鐵石刊本堅訛鑑今改

唐新語唐劉肅撰

卷一

太子承乾條須先措置晉王始得安全耳原本先措訛別致耳訛耶又脫置晉王三字並據稗海改增

卷三

盧方慶條引與議建成事原本議建成訛六月四據舊唐書改

卷五

蕭瑀條。卿之守道耿介。原本介訛身。據舊唐書改。

卷十三

沙門一行條。春秋二分長二尺九寸三分。原本脫三分二字。據稗海增。

玉泉子不著撰人名氏

元和初黜八司馬條。韓泰虔州。刊本虔訛處。又程异郴州。陳諫台州。刊本脫陳諫台州四字。並據唐書改增。

唐摭言五代王定保撰

卷三

慈恩寺題名條。早居臺閣冠公卿。刊本早訛果。據全唐詩改。

卷四

師友條。先生有才過屈宋。刊本有才過訛所孤。或據杜工部集改。又墮聰黜明。則洗心藏密有由矣。刊本聰黜明訛之正氣。據莊子改。

卷五

切磋條嘗書一章曰獲麟解刊本解訛詞。又傳曰惟善人能受盡言刊本盡訛善並據韓昌黎集改。

卷十

韋莊奏請追贈不及第人條李賀字長吉父璿肅案璿肅韓昌黎集作晉叔。

北夢瑣言唐孫光憲撰

卷二

李勣尙書條八坐注得之王屋山僧匡一甚詳刊本脫之字據稗海本增。

卷四

諸衆得好尙條崔侍中安潛刊本中訛郎據稗海本改。

卷五

令狐公密狀條于是南北司益相水火刊本脫司字據稗海本增。

高太尉機詐條乃命門僧景山奉使入南案山稗海本作仙。

符載侯翻歸隱條守道循常者注入其堂奧者唯建平覃正夫乎刊本乎訛子據稗海本改。

卷六

陸相公勸酒事條。朱秀才慶餘。遂寧府人。刊本慶訛虔。據全唐詩改。
陸龜蒙追贈條。笠澤叢書五卷。案五卷。稗海本作三卷。郡齋讀書志作四卷。直齋書錄解題作四卷。補遺一卷。蜀本十七卷。又文獻通考作七卷。均與此異。

卷七

來鵬詩注。附沈光楊敬之。案光。稗海本作堯。

卷十

崔家食子肉條。唐末。蘇循尙書諂媚苟且。刊本末訛宋。據稗海本改。

卷十三

雷電救王鎔條。乃謀託親于王鎔。刊本于訛忌。據稗海本改。

卷十四

儒將成敗條。張濬之伐太原是也。刊本脫張字。據唐書改。

韓建始終條。韓建不遇時。案遇。稗海本作預。又時下有政字。

卷十六

馬景設詐條。列塞留卒尙萬。俟夕將逝。刊本萬訛方。據稗海本改。

卷二十

舒溥三斥三遇條。乃詣堂陳狀。刊本詣堂訛經唐。據稗海本改。
于何博士條。羈旅三川。刊本羈旅訛霸旃。據稗海本改。

賈氏譚錄 南唐張洎撰

原序。公館多暇。偶成編綴。凡六條。案此書所記不止六條。序文疑有脫訛。又原序一篇。永樂大典失載。今據說郛增。

驪山華清宮一條。四面石坐階級而下。原本級訛緩。今改。

白傳葬龍門山。此條永樂大典不載。據說郛增。

白傳。文宗末曾有諫官獻疏請賜諡。上曰。何不取醉吟先生墓表耶。卒不賜諡。弟敏中在相位。奏立神道碑。其文卽李義山之詞也。案文宗。唐語林作大中。又白居易賜諡一事。諸史所記互異。此條原本與說郛所載亦不同。

牛奇章初與李衛公相善。原本初訛相。今改。

李贊皇初掌北門奏記。此條永樂大典不載。據說郛增。又拜大尉。封衛國公。原本衛訛魏。又族屬淮

海。李紳有吳汝納之獄。原本紳訛紉。吳汝訛娛女。並據唐書改。

王鐸既解諸道都統一條。初鐸之入朝也。李山甫方爲鎮州從事。勸主帥却取之。王氏遂亡其族。原本既

解訛就解。又案唐書鐸之遇害。在由義成徙義昌。非入朝時。又劫鐸者乃樂彥禎之子從訓。此云主帥亦似有誤。

中士士人不工札翰。多爲院體。院體者。貞元中翰林學士吳通微嘗工行草。然體近吏。故院中胥徒尤所做。其書大行于世。故遺法迄今不泯。然其鄙則又甚矣。此條永樂大典不載。據說鄂增入。又原本不工。訛不上。院體二字互倒。據曾慥類說改。又原本近吏作近隸。考沈括夢溪筆談有所爲三館使人書者。則從類說作近吏爲是。又所做二字。文義未明。類說作故院胥效其書。語較明顯。

賈君云。僖昭之時。長安士族多避寇南山中。此條永樂大典不載。據說鄂增。

予問賈君中士人每日火麵而食。此條永樂大典不載。據說鄂增。

李德裕平原莊一條。怪石爲洛陽有力者取去。石上皆刻有道二字。此二句原本缺。據曾慥類說增。

褒斜山谷中有虞美人草。狀如雞冠。大而無花。葉相對。此條永樂大典不載。據說鄂增。又案今虞美人草有花。此云無花。未詳其義。沈括夢溪筆談亦載之。疑別是一種。

澠水燕談錄 唐王闢之撰

卷二

景祐中。范文正公知開封府條。余靖安道上疏論救。刊本安道二字互倒。據宋史改。

卷四

邵迎條。蘇子瞻哀卹之。又萃集其文爲之引。刊本又萃訛不幸。今改。

卷五

种放條。故野詩云。幽居帝畫看。刊本野訛放。據宋名臣言行錄及宋詩紀事改。

荆南朱昂條。浴殿早涼初閣筆。刊本早訛東。據宋詩紀事改。

卷七

進士之舉條。彌封謄錄覆考編排。刊本排訛緋。據宋史選舉志及文獻通考改。

卷八

夏文莊公條。遠水南迴建業條。刊本南訛難。據宋詩紀事改。

石曼卿條。眉比石州山對起。嬌波淚落糝如洗。刊本脫嬌波淚落糝如洗七字。據宋詩紀事增。

卷九

太宗朝府州折御卿貢馬條。因目曰碧雲馱。刊本馱訛霞。據清波雜誌改。

卷十

陳亞條。有華亭雙鶴怪石一株。刊本鶴下衍唳字。據宋詩紀事刪。

東齋紀事 宋范鎮撰

卷一

太祖時韓令坤鎮常山。原本常山作常州。案宋史韓令坤傳。太祖建隆二年。以令坤爲成德軍節度使。充北面兵馬都部署。後卒於鎮。未嘗鎮常州。考成德軍在恒州。卽古常山郡地。是常州當爲常山之訛。今改。

賞花釣魚宴。舊制。三館惟直館預坐。校理以下。賦詩而退。案曾慥類說。此條賦詩而退下。有太宗時李宗諤爲校理。作詩云。戴了宮花賦了詩。不容重見赭黃衣。無聊却出宮門去。還似當年下第歸。上卽令赴宴。自是校理而下。皆與宴也。凡五十五字。疑永樂大典本脫去。

仁宗至和二年。封孔子四十七代孫孔宗愿爲文宣公。尋改封孔宗愿爲衍聖公。案宋史仁宗本紀。封孔子後爲衍聖公。不載初封文宣公事。然文苑傳稱文宣公孔聖祐。則原封實爲文宣公。本紀據其後書之耳。

崇政殿之西有延義閣。原本義作義。宋史本紀亦作義。而地理志俱作義。案義字乃宋太宗原諱。閣名不應相犯。今從地理志改。

卷四

溫化中張鄧公士遜爲梓州射洪縣令。原本士遜訛齊賢。據宋史本傳改。

玉壺野史 宋釋文瑩撰

卷四

李密學濬條。同丁相迎真宗聖像爲迎奉副使。原本迎並訛近。今改。
王之禹僂。原本僂訛稱。據宋史改。

卷五

李士衡條。原募軍士之驍勇者。原本驍訛流。今改。
文瑩丙午歲條。齋宿祠所。原本所訛祈。今改。

東軒筆錄 宋魏泰撰

卷七

越州僧願成條。元猛素事佛。刊本事佛二字互倒。今改。

卷十

潭州士人夏鈞條。神氣清邁。刊本氣訛臉。又華州回道士來到岳陽城。刊本陽訛山。並據事實類苑改。

墨客揮犀 宋彭乘撰

卷三

物有異類交者條。蚯蚓與人斯交。按爾雅翼。郭璞贊曰。蚯蚓土精。無心之蟲。交不以分。淫于阜螽。據此。刊
本人斯當作螽斯。

卷四

熙寧中高麗使求入貢條。誰使詩仙來鳳沼。欲傳賈客過雞林。刊本仙訛先。據稗海改。

卷六

嶺南僻遠之地條。不禁鶯聲可奈何。刊本奈訛禁。今改。

卷九

張華條。可取蜀中桐材。刻爲魚形。刊本魚訛人。據晉書改。

楓牕小牘。不著撰人名氏。

卷上

壽山艮嶽條。棲真澄。覽秀軒。刊本澄訛登。又宣和五年。朱勗于太湖取石高廣數丈。刊本太訛故。並據

宋史改。

卷下

慶元四年九月朔。太史言曰。食於夜條。草澤趙大猷言。午初食三分。刊本猷訛猷。據宋志改。

侯鯖錄 宋趙德麟撰

卷二

劉路左車條。惠子白驢瘦。歸溪惟病身。案驢。少陵集作駒。

卷三

漢書云。背尊章。原本背訛輩。據漢書改。

西王母背條。白雲在天。邱陵自出。原本邱訛由。據穆天子傳改。

卷四

舊學士院條。楊大年爲學士。乃對注。下句黃宗旦對。原本黃訛董。又缺旦字。並據江休復嘉祐雜誌改補。

卷五

王性之作傳奇條。韋氏注。夢遊春詩。原本遊春訛將仙。又態斂晨霞聚。原本斂訛飲。又金蹙重臺履。原

本蹙訛戲。又紕軟鈿頭裙。原本鈿訛殿。並據全唐詩改。

卷六

封氏見聞條。顏延之爲王琳石誌。素族無銘策。原本琳訛珍。族訛施。銘訛鉉。並據封演見聞記改。

卷七

唐李義山條。四數六甲之取也。原本也訛乙。據義山集改。

卷八

天地雖虛廓。惟海爲最大。案漁隱叢話引仇池筆記。有余一日醉臥。有魚頭鬼身者自海中來云。廣利王請端明。予被褐履草黃冠而去。廣利王命予題詩七句。原本當亦本之筆記而軼其前半。遂至沒其頭緒耳。又位尊河伯拜。原本伯訛作。又恍惚聚百怪。原本驟訛衣。怪訛帷。並據漁隱叢話改。大中二年條。文德龍紀大順景福。原本紀訛化。福訛祐。據唐書改。

韓退之不喜僧條。圍棋鬪白黑。生死隨機權。六博在一擲。梟盧叱迴旋。原本梟訛烏。又向風長嘆不可見。我欲收斂加冠巾。原本脫不可見三字。並據昌黎集改增。東坡作詩條。劉禹錫贈張盥詩。原本脫盥字。據全唐詩增。

過庭錄 宋范公偁撰

先子於河東條。獻芹奉炙。各盡野人之寸心。刊本炙訛職。據列子改。

右丞守永安軍時條曹后山陵曾魯公主其事案宋史爲山陵使是韓琦非曾魯公也。與此異。
萍州可談 宋朱彥撰

卷一

本朝置大宗正寺。濮邸世世知大宗正事。自宗晟迄宗漢。皆兄弟相繼。宗字行盡死。諸孫仲字行復嗣爵。原本宗字行訛宗子行。據宋史改。
自元符紹聖以前。從官左遷。重者外移。輕者易職事。時有八座改樞密承旨。獨座改工部侍郎。皆不美也。原本承訛丞。據宋史改。

卷二

甲令。每舶大者數百人。市舶司給朱記。如請占城公據而誤入真臘。則盡沒其舶貨。原本真訛占。據宋史改。

富池口有吳將甘寧廟。案吳志。甘寧屯于當口。或疑其富池口也。又恐自有當口。寧傳云。爲西寧太守。以陽新下雉爲奉邑。今永興縣碑刻甚多。原本屯訛也。今據寧傳改。又案寧傳。拜西陵太守。領陽新下雉兩縣。今云以爲奉邑。未知或何所據。

崇寧初。行當十大錢。後以幣輕物重。令東南改爲當五錢。輕於東北。原本輕訛傾。案崇寧二年。初令陝西

鑄當十錢。由是東南諸路盜鑄者多。四年。乃詔廣南福建路更不行使。又詔荆湖江浙並改作當五錢。五年。又詔當十錢。惟京師陝西兩河許行。諸路並罷。所謂輕于東北也。今據文獻通考改。

卷三

常州諸胡。余外氏相傳祖瑩甚利子塔。余渭陽諸塔錢昂。黃輔國等皆爲顯官。原本昂訛卽。據陳繼儒本改。

高齋漫錄 宋曾慥撰

熙寧上元宣仁太后御樓觀燈。召外族悉集。大者各與絹兩匹。小兒各與乳糖獅子兩箇。原本糖訛餽。據學海類編改。

王荆公在鍾山與客對棋云。彼亦不敢先。此亦不敢先。惟其不敢先。是以不敢爭。此持碁謎也。原本持作遲。案應瑒弈賦云。持碁相守。莫敢先動。蓋言相持不下之意。今據改。

禪林有食不盡者。皆投大釜中煮之。名谷董羹。案谷董。蘇軾集作骨董。與此異。

白督耨初行于都下。每兩值錢二十萬。案督。香譜作篤。然譯語對音。本無一定字義。不妨並存。

李賓王利用鄱陽人。善相。嘗云。郭林宗作玉管通神。有四句云。貴賤視其眉目。知慧察其毛皮。苦樂觀其手足。貧富觀其頤頰。案玉管通神。諸史志皆不著錄。故周亮工書影極辨此條之妄。

蒙齋筆談 宋葉夢得撰

卷下

慧遠法師條。劉遺民、周續之、雷次宗，皆見宋書隱逸傳。案蓮社高賢傳。劉遺民名程之，字仲惠，事不見宋書。而晉中興書別有劉遺民名麟之，字子驥，卽桃花源記所云南陽高士也。此誤。

張氏可書 宋張知甫撰

章惇方柄任用，都提舉汴河堤岸司賈種民議起汴橋二樓，原本種訛仲。案宋史與張惇同時提舉汴河堤岸，有種民、無仲民，今據改。

王初寮五門端闕詩，盛世親逢叨四近，頌觴連日綴羣賢，原本親訛視，據初寮集改。

明達皇后乃紫虛元君，案紫虛元君之號，宋史不載。

張芸叟作霸王別虞姬答霸王歌，將軍莫把漢王輕，原本莫訛詩，今改。

聞見錄 宋邵伯溫撰

卷一

忠正軍條贈中書令刊本中訛尙據宋史改。

卷二

仁宗至和間條百姓安樂四夷賓服刊本姓訛歲今改。

卷五

元符末條貶布白州司戶參軍廉州安置案白州宋史曾布傳作廉州與此異。

卷六

伯溫崇寧中居洛條旬朔之間便爲一月案便爲一月宋史趙普作時涉秋序。

卷七

李文定公迪刊本迪訛道據宋史改。

張文定公齊賢條略無懼色賜束帛遣之案賜束帛遣之宋史作令武士拽出之六字。

李文靖公作相條如論語中節用而愛人使民以時兩句尙未能行聖人之言終身誦之可也刊本脫聖人之言終身誦之可也十字據宋史增。

卷八

孫文懿公眉州眉山人刊本眉山訛魚蛇據宋史改。

卷九

富韓公條。公亦繼以賢良方正登第。案賢良方正登第。宋史富弼傳作舉茂材異等五字。與此異。

卷十

元豐五年條。龍圖閣直學士張燾。刊本燾訛壽。據司馬光洛中耆英會詩改。

卷十三

眉山蘇明允條。昔者山濤見王衍。刊本山濤訛作羊叔子三字。據晉書改。

卷十四

元祐三年條。冠帔可留與骨肉。案骨肉。宋史范純仁傳作族姪。

卷十五

田畫條。意欲待上益相信而後發貴有益也。刊本貴下衍可字。據宋史刪。

卷十六

祖無擇條。坐送賓客酒三百小瓶。貴節度副使安置。案坐送賓客酒三百小瓶。宋史作但得其貸官錢接

部民坐及乘船過制而已十七字。與此異。

長安百姓條。蔡京蔡卞爲元祐姦黨籍。案蔡卞。通鑑綱目作與其客強浚明葉夢得等十字。與此異。

卷十七

河南劉氏條。爲吏部侍郎。贈司徒。案吏部侍郎。宋史劉溫叟傳作太常卿三字。與此異。

卷十八

康節先公少日遊學條。接籬倒載芰荷畔。談塵輕揮楊柳邊。刊本揮訛桴。據擊壤集改。

聞見後錄 宋邵博撰

卷一

仁皇帝條。臣非太史。然度是日必不雨。刊本脫臣字。又脫然度必三字。並據宋史增。

卷六

近年洛陽張氏發地條。車乘填塞街陌。刊本街陌訛廣西。據後漢書改。

卷七

唐高祖條。左衛率韋挺。刊本闕挺字。據唐書補。

卷九

漢高祖出成臯條。軍直馳入。刊本入訛大。據史記改。

卷十五

或問東坡條。琴聰密殊之流。刊本琴訛禽。據志林及竹坡詩話改。

卷十六

宋元王條漁者豫且刊本且訛苴據史記改。

卷十

嘉祐六年條晴旭暉暉花盡開案花盡宋詩紀事作苑籟。

卷二十一

文彥博本姓敬刊本闕文彥博三字據宋史補。

卷二十二

蘇子由謫雷州刊本由訛山據宋史改。

卷二十五

苗師園條文潞公程丞相宅旁皆有池亭刊本宅訛兮又脫皆字並據古今逸史改增。

東田案田古今逸史作園。

卷三十

近李西美帥成都條何處無情枉斷腸案宋詩紀事作說著無情更斷腸與此異。

程史 宋岳珂撰

卷二

劉改之詩詞條。斗酒彘肩。醉渡浙江。豈不快哉。案醉渡浙江。龍洲集作風雨渡江。又坐中哄堂一笑。刊本哄訛烘。據因話錄改。

卷三

館娃浯溪條。天下之事。不易於處而不難於議也。刊本脫上不字。據楊誠齋集及賦彙增。稼軒論詞條。其寓感慨者。則曰可堪回首。刊本可訛不。據詞綜改。

卷七

嘉禾條。王偁。刊本偁訛稱。據東都事略改。

卷八

阜城王氣條。二僭皆阜城人。案宋史。張邦昌。東光人。與此異。

金主辭怪條。萬國車書盡混同。江南豈有別疆封。提兵百萬西湖上。立馬吳山第一峰。刊本盡訛盍。據中州集改。又提。歸潛志作屯。又笑談頃。指長江齊驟。六師飛渡。刊本驟訛處。據中州樂府及全金詩改。

卷九

燕山先見條。李良嗣。刊本良訛長。據宋史改。

卷十三

冰清古琴條。今都人多售贗物。刊本贗訛厚。據武林舊事改。

獨醒雜誌 宋曾敏行撰

卷一

楊文公條。天禧末。寇公諸人皆貶遠方。原本禧訛喜。據宋史改。

卷二

徽宗嘗內宴條。不可極爾。原本脫可字。據禮記增。

卷六

魚知丙穴條。燕避戊己。鵲避太歲。原本脫燕字。據上文增。

卷八

予嘗傳登瀛圖條。嘗見鄭昺彥明所賦長句。原本彥訛尙。據宋詩鈔改。

四朝聞見錄 宋葉紹翁撰

卷一 甲集

南屏興教摩崖條。莫有登山摩挲苔石者。原本登訛堂。今改。

卷二 乙集


張子湖條。天下好事。君家都占盡。原本盡訛對。今改。

卷三 丙集

單夔知夔州條。孝宗聖聽高遠。知其所志。原本志訛至今改。

卷五 戊部

罷韓侂胄麻制條。擬而言議而動。原本議訛擬。今改。



四庫全書考證卷七十二

子部

山房隨筆

輟耕錄

水東日記

菽園雜記

語林

山海經

神異經

洞冥記

拾遺記

搜神記

玄學正宗



唐闕史

太平廣記

簡端錄

睽車志

夷堅志

博物志

述異志

酉陽雜俎

清異錄

法苑珠林

法藏碎金錄

林間錄

佛祖歷代通載

陰符經講義

老子翼



御注道德經

關尹子



四庫全書考證 卷七十二

二九九九



山房隨筆 元蔣子正撰

庚申履齋吳相條。介如欲客似道。刊本脫介字。據上文增。

輟耕錄 元陶宗儀撰

卷九

想肉條。婦人少艾者名之下羹羊。刊本下羹羊訛作不美羹。據雞肋編改。

卷十五

沁園春詞似江亭曉望。遙山拂翠。刊本望訛玩。據詞綜改。

卷十六

書陶栗里譜。隆安五年條。開歲修五日。刊本日訛下。據陶淵明集改。

永初元年庚申。刊本永訛水。據宋書改。

書陶華陽譜。苾芻清本條。金丸使者。刊本金訛舍。又太清尊者。刊本清訛青。並據藥譜改。

卷二十四

剛卯條。順爾固伏。化茲靈爻。刊本固訛國。又伏化二字互倒。並據漢書改。

卷二十六

傳國璽條。太元十九年。雒州刺史郗恢表慕容永稱藩奉璽。方六寸。厚七分。刊本泰元訛秦光。據太平御覽及晉書改。

盧橘條。司馬相如上林賦。刊本上林訛遊獵。據漢書及文選改。

詩畫題三絕條。西湖醉歸寫古本。吳興爲補幽篁妍。刊本爲訛有。據道園學古錄改。

卷三十

官制字訛條。陸德明亦音平聲。刊本明訛名。據經典釋文改。

水東日記 明葉盛撰

卷十二

錄白宋省劄。昨任徽州。刊本州訛縣。今改。

卷十三

鄒奕條。不受人直而令種杏。刊本闕令字。據廬山志補。

卷十六

今印行宋名臣言行錄條。陳搏種放。刊本放訛故。又劉摯。刊本摯訛絜。並據宋史改。

卷二十三

太師平章軍國重事條。集籟人而塗墍。刊本闕籟字。據漢書補。
臨川李性學條。柳待制。刊本柳訛抑。據元史改。

卷二十六

七言絕句條。王維林亭詩。刊本維訛建。據全唐詩改。

卷二十八

文章正宗條。傅休奕。刊本休訛林。據晉書改。

卷三十

作誅蛟賦條。圍絞綃以雲障。刊本闕雲障二字。據虞集帖補。

予往年在廣中條。又從婁敬說。徙齊楚大姓數十萬。刊本大訛仁。據史記改。

卷三十三

春詠登臺條。懷彼伐木。肅此良儔。刊本脫懷彼良儔四字。據米芾帖補。

卷三十四

宣府在居庸西北條。鎮朔將軍。刊本朔訛翔。據明史改。

卷三十五

晉故使特節侍中條。乃公車徵拜中書侍郎秘書監。刊本闕侍字。據晉書補。

卷三十六

韓致光雷公詩。刊本光訛元。據唐書改。

菽園雜記 明陸容撰

卷一

陝西環縣界條。唐德宗貞元十三年。刊本貞訛興。據唐書改。

洪武中。山東監生周敬心奏言二十三年大殺官民。刊本官訛京。據明史改。

卷二

移文條。又如押朝押班課程。其義皆未曉。其亦始于方言歟。刊本押並訛闡。案唐書百官志。朝會御史押班。又押衙。官名也。今據改。

古諸器物條。蠶蛭。其形似龍。刊本蠶訛鱗。據玉篇改。

卷四

甲午北征。歸自宣府。過土木。刊本木訛墓。又太史英國公兵部鄺尙書等。刊本鄺訛曠。並據明史改。

卷五

蘇州條得巡撫周文襄公存恤惠養二十餘年刊本存訛有今改。

卷八

襲封衍聖公條左道李孜省輩方用事刊本孜訛資據明史改。

卷九

永樂間平江伯陳公瑄條洪熙元年始充總兵官督運案明史陳瑄傳永樂元年瑄已充總兵官與此異。

卷十四

韶粉條掘土作小穴刊本穴訛大今改。

語林明何良俊撰

卷四

文惠太子條春初早韭秋末晚菘刊本秋訛夏今改。

卷五

蘇長公條庭中如積水空明水中藻荇交橫刊本交橫二字互倒據蘇帖改。

山海經晉郭璞撰

卷一

南山經其花四照注其光照地刊本地訛也據廣注改

卷二

西山經濁澤而有光刊本而有二字互倒據廣注改

驪山其上多玉而無石神者童居之刊本耆訛者據廣注改

卷三

北山經其中多水馬刊本馬訛焉據廣注改

有鳥焉其狀如雉刊本闕雉字據廣注補

西北流注于秦澤注灑沈聲相近殆一水耳刊本脫近字據廣注增

卷四

東山經自尸胡之山至于無臯之山凡十九山刊本脫十字據釋義及廣注增

卷五

中山經其鳥如鷓注似雉而大刊本雉訛治據廣注改

門水至于河七百九十里入雒水刊本至訛出雒訛確據釋義及廣注改

其本如雞卵其味酸甘食者利于人刊本本訛草據釋義改

又東三百里曰杳山。刊本三百里訛百十。據廣注改。

卷八

海外北經有兩山夾上谷。兩大丘居中。刊本有訛在。據廣注改。

卷九

海外東經爲人黑首。刊本首訛手。據廣注改。

卷十

海內南經知人名。注狀如豚。腹似狗。刊本腹訛後。據廣注改。

卷十二

海內北經崑崙墟南所有汜林方三百里。刊本所有二字互倒。據廣注改。

卷十四

大荒東經東海中有流波山。刊本海訛北。據廣注改。

卷十五

大荒南經黑水之南有玄蛇。食塵。注今南方蚺蛇吞鹿亦類此。刊本方蚺訛山蚺。又吞訛蚕。據廣注改。

卷十六

大荒西經稷降以百穀。刊本稷訛魏。據廣注改。

有神人面無臂兩足反屬于頭上刊本屬訛尾上訛山並據廣注改。

卷十八

海內經下有九枸注木大則根權刊本木大二字互倒據淮南子改。

神異經 漢東方朔撰

東方有桑樹其上自有蠶作繭長三尺縲一繭得絲一斤刊本一繭得絲訛不合一繭據漢魏叢書本改。
南方大荒之中有樹焉名曰柎稼柎柎梨也刊本柎並訛柎據爾雅及廣韻改。

東南荒中有邪木世人後生不見葉故謂之無葉也一名倚驕刊本無葉下行一名綺縞人見無葉謂之綺縞十二字案綺縞當卽倚驕蓋沿太平記傳刻之訛今據漢魏叢書本刪。

東方有樹高五十丈小桃溫潤嘅嗽人食之卽止刊本嘅訛旣食之卽止訛作肉滑也三字並據漢魏叢書本改。

北方荒中有棗林敷張枝條數里餘疾風不能偃刊本偃訛憚據漢魏叢書本改。
南方山有𦉳嶼之林刊本𦉳訛𦉳據集韻改。

西海之外有鵠國惟畏海鵠過輒吞之刊本海鵠下行陳章與齊桓公言鵠八字又過輒訛遇而並據漢魏叢書本刪改。

西南大荒中有人一名哲一名賢刊本賢訛先據漢魏叢書本改。
東方外有東明山其高百尺畫以五色青石爲牆高三仞刊本畫訛建爲訛焉三仞訛一門並據漢魏叢書本改。

東海隅大荒中有樸父焉其高千里腹圍自輔刊本樸訛林自訛百並據漢魏叢書本改。
東南海中有烜洲刊本烜洲訛亶中據漢魏叢書本改。

洞冥記 晉郭憲撰

卷一

漢武帝條崇芳閣刊本芳訛蘭據漢武內傳改。

卷二

甜水條但飲甜溪水隨飲而醒刊本脫溪字據唐類函增。
東方朔遊吉雲之池刊本吉訛結據下文改。

卷三

有遠飛雞條剉以釀酒刊本剉訛到據何允中叢書本改。

拾遺記 苻秦王嘉撰

卷一

春皇條。絲桑爲瑟。均土爲墳。刊本土訛之。據漢魏叢書本改。
有丹丘之國。獻瑪瑙瓊條。甘露在其中。盈而不竭。刊本脫中字。據漢魏叢書本改。

卷二

成王七年條。故俗謂之婆猴伎。刊本猴訛候。據漢魏叢書本改。

卷三

扶桑東五萬里條。磬者長一丈。輕若鴻毛。因輕而鳴。刊本鳴訛名。據漢魏叢書本改。
周靈王條。魯人鉏商。田於大澤。刊本鉏訛鋤。據左傳改。

師涓者出於衛靈公之世。能寫列代之樂。刊本樂訛學。據漢魏叢書本改。

卷四

燕昭王條。此是神蛾之火也。刊本火訛矢。據漢魏叢書本改。

卷六

昭帝始元元年。刊本始元二字互倒。據漢書改。

安帝永年元年條。支國來貢異瑞。刊本安訛章。據漢書改。
靈帝初平三年。案初平爲獻帝年號。此當是熹平或中平之訛。

卷七

魏文帝所愛美人條。黃初元年。刊本黃初訛咸熙。今改。

任城王彰條。帝議伐吳蜀。問彰取便利行師之決。刊本脫便字行字。並據漢魏叢書本增。

卷八

吳主趙夫人。丞相達之妹。案吳志。趙達精於九宮算術。名位不顯。此云丞相。未知何據。但無別本可校。姑仍其舊。

張承之母孫氏條。昔吳王闔閭葬其妹。殉以美女珍寶。案妹。吳越春秋作女。又及承生。位至丞相。輔吳將軍。年踰九十。案吳志。張承。官奮威將軍。卒于赤烏九年。年六十七。其父昭。輔吳將軍。嘉禾五年卒。年八十七。父子俱未爲丞相。然陳壽三國志多詳于魏。而略于吳蜀。則此所載。亦可資參証。附識。

卷九

武帝爲撫軍時條。至惠帝永熙元年。刊本永訛元。據晉書改。

因墀國獻五足獸條。以鐵爲車輪。十年方至晉。及還。輪皆絕銳。刊本還訛退。據漢魏叢書本改。
張華條。賜側理紙。後人謂之陟釐。刊本脫賜側理紙四字。據藝文類聚增。

卷十

洞庭山條。遠祖入洞庭山採藥不還。刊本脫庭字。據漢魏叢書本增。

搜神記 晉干寶撰

卷一

彭祖條。姓錢名鏗。刊本錢訛錢。據論語疏改。

淮南王條。明明上天照下土兮。刊本下土訛四海。與韻不叶。又公將與余生毛羽兮。刊本毛羽二字互

倒。並據古詩紀改。

漢明帝條。王喬爲葉令。刊本葉訛鄴。據後漢書改。

卷二

閩州有徐登條。梧鼎而饜。刊本梧訛據。據後漢書改。

戚夫人條。九月九日佩茱萸。刊本脫九日二字。又雜黍米釀之。刊本釀訛饌。並據西京雜記增改。

卷三

管輅條。子歸覓清酒一榼。鹿脯一斤。刊本脫一榼字。據叢書本增。

隗炤條。去壁一丈。入地九尺。刊本壁訛地。據晉書改。

韓友條。亦行京費厭勝之術。刊本費訛房。據晉書改。
沛國華佗條。令去二三寸停之。刊本脫去字。據魏志增。

卷四

秦始皇條。見一大梓。下有文石。取以款梓。刊本脫下字以字。據水經注增。
郭璞過江條。廟神不悅曰。此是邳亭驢。山君鼠。刊本脫曰字鼠字。據晉書增。

卷五

王莽條。臨淄縣昌興亭長。刊本脫昌興二字。據漢書增。

卷六

漢成帝條。巢中無子。皆有乾鼠矢數十。刊本矢訛升。據漢書改。

卷八

呂望條。非龍非螭。非熊非羆。案螭。史作鬃。熊作虎。

卷九

庾亮字文康。案庾亮。晉書本傳作字元規。

卷十一

楚王遊於苑條。聞鳥從東方來。刊本鳥訛鴈。據博物志改。

漢范式條同郡邳君章刊本邳訛到據後漢書改。

卷十三

二華之山條高掌遠矚刊本蹶訛跡據文選改。

卷十七

袁紹條遣張郃毀廟刊本郃訛部據漢書改。

玄學正宗 元兪琰撰

卷上

混沌鴻濛清濁未判但一氣耳原本氣訛歲今改。

剛柔成質地道之所以立也刊本脫以立也三字據上文增。

金生於土玉生於石刊本訛土生於石石生於金今改。

神氣不離道本自然也刊本離訛相據上文改。

一氣孔神兮於中夜存原本脫夜字據楚詞增。

卷下

至樂性餘至靜性廉原本脫下則字據陰符經增。

陰陽相勝之術。昭昭乎進乎象矣。原本脫進乎二字。據陰符經增。

唐闕史唐高彥休撰

序

愚乾符甲午歲生。原本午訛子。據通鑑綱目改。

卷上

下約劍解篇。惑神仙修煉之術。原本惑訛或。又善堅此心。亦復遐壽。原本脫心字。又與子威携手上

旗亭。話濶別之恨。原本與訛舉。又脫子字。並據太平廣記改增。

滎陽公清儉篇。是獨憐子力田敝衣。原本田訛用。據太平廣記改。

郝尙書鼠妖篇。郝尙書士美。元和末。爲鄂州觀察使。案唐書。士美爲鄂州觀察使。在貞元二十年。元和五年以後。歷官忠武節度使。與此異。

楊江西及第篇。祭酒楊尙書敬之子。江西觀察使戴。原本戴訛載。據唐書改。

杜紫微牧湖州篇。綠葉成陰。子滿枝。原本葉訛樹。據全唐詩改。

許道敏同年篇。磨厲以須。原本以須訛少頃。據左傳改。

秦中子得先人書篇。蓬頭黃衣。交臂束膝。原本脫交字。據太平廣記增。

齊將軍義犬篇。禁軍大校有瑛名而齊姓者。案瑛。太平廣記作瓊。

卷下

崔尙書雪冤獄篇。有估客王可久者。原本估訛結。據太平廣記增。
韋進士見亡妹篇。設燈炬于香前。曰。觀燭燃寸。卽復去矣。原本觀燭燃寸訛。觀後燼才。據太平廣記改。

太平廣記 宋李昉等撰

卷一

老子條。注。之子宮。刊本宮訛言。據史記改。

廣成子條。禽不待候而飛。案神仙傳作雲不待族而雨。

卷二

魏伯陽條。伯陽作參同契。其說似周易。刊本似訛是。據神仙傳改。

卷三

漢武帝條。內外寂謐。以侯雲駕。刊本脫內外二字。據武帝內傳增。

卷五

孫博條。又能吞刀劍數十枚。刊本十訛千。據神仙傳改。

天門子條。姓王名剛。刊本綱訛網。據神仙傳改。

卷七

王遠條。有十二隊五百士。刊本脫隊字士字。據神仙傳增。

卷八

劉安條。古人貴九九之學。刊本學訛好。又聞王好道。故來相從。刊本道訛士。又一人能防災度厄。辟

却衆害。延年益壽。長生久視。刊本脫此十九字。並據神仙傳改增。

張道陵條。忽見遺金三十餘餅。刊本脫餘字。餅訛餅。據神仙傳增改。

卷十一

樂巴條。以臣能治鬼護人。刊本人訛病。據神仙傳改。

卷十三

蘇仙公條。母食欲得魚羹。耽出湘州市買。刊本湘訛湖。據洞仙傳改。

卷十四

李筌條。任其巧智。孫吳韓白不足以為奇。刊本脫任其巧智四字。據神仙感遇傳增。

卷十六

杜子春條。鸞鶴飛翔。刊本鸞訛驚。據杜子春傳改。

卷十八

元藏幾條。此滄浪洲。刊本脫浪字。據杜陽雜編增。

卷二十

陰隱客條。鬢髮如青絲。刊本鬢訛鬚。據博異志改。

卷二十一

司馬承禎條。嶽者山之巨鎮。刊本脫鎮字。據續仙傳增。

卷二十二

羅公遠條。見仙女數百。皆素練霓衣。刊本霓訛寬。據神仙感遇傳改。

藍采和條。暮見桑田生白波。刊本桑訛滄。據續仙傳改。

卷二十四

許宣平條。閒朝飲碧泉。刊本閒訛明。據續仙傳改。

卷三十一

章全素條。吾謂先生有道術士。原本謂訛爲。今改。

卷三十三

馬自然條。歸來要分此地。刊本分訛明。據續仙傳改。

卷四十三

盧山人條。戒妻孥勿輕應對。刊本脫戒字。據酉陽雜俎增。

卷四十七

宋玄白條。言談秀麗。刊本言談訛且。據續仙傳改。

卷五十

嵩岳嫁女條。風和月瑩。刊本脫風字。瑩訛閱。並據稽神錄增改。

卷五十三

金可記條。隱于終南山。刊本脫隱字。據續仙傳增。

卷五十六

西王母條。木公生于碧海之上。蒼靈之墟。刊本蒼訛靈。又授以萬天元統龜山九光之籙。刊本萬訛方。

並據集仙錄改。

玄天二女條。散荃蕪之香。刊本荃訛華。據拾遺記改。

卷五十九

梁母條。靈轡飄飄。玄岡嶮巖。刊本岡訛剛。脫嶮巖二字。並據集仙錄改增。

卷七十

縱山姑條人多則屹然而住。刊本住訛震。據集仙錄改。
薛玄同條。餌紫虛所賜之丹。刊本虛訛靈。據集仙錄改。

卷七十六

子韋條。華清夏潔。漉以織縞。刊本潔訛結。漉訛鹿。並據拾遺記改。

卷七十八

駱山人條。王廷湊卽王武俊支屬也。刊本俊訛侯。支訛之。據拾遺記改。

卷八十一

梁四公條。離之繇曰。刊本離訛晉。今改。又燭龍所居。刊本龍訛能。據山海經改。

卷九十二

惠照條。好言人之休咎而皆中。刊本咎訛戚。據宣室志改。

卷九十七

廣陵大師條。曰衣敝裘。盛暑不脫。刊本衣敝訛以縹。據宣室志改。

卷九十八

李德裕條。乃知冥數固不誣也。刊本冥數訛陰隲。據宣室志改。

卷九十九

十光佛條。且用旌十光之異也。刊本異訛易。據宣室志改。

卷一百九

悟真寺僧條。有玉潤山。刊本潤訛順。據宣室志改。

卷一百二十二

乾寧宰相條。茂貞等汗流洽背。刊本脫汗流二字。據北夢瑣言增。

卷一百三十二

李知禮條。何爲初戰之時卽敗。刊本脫敗字。據冥報記增。

卷一百三十三

章邵條。貪猥誅求。路岐因逢鹿。刊本路岐二字訛在貪字上。據野人閒話改。

卷一百三十四

王會師條。會師聞而涕泣。刊本脫師字。今增。

卷一百三十六

唐玄宗條。怠而假寐。刊本寐訛寤。今改。

唐懿宗條。見黃龍出入于臥內。刊本脫入字。據杜陽編增。

卷一百三十八

張錢條。方力不衰。刊本力訛方。據玉堂閒話改。

卷一百三十九

長星。刊本長訛張。據朝野僉載改。

卷一百四十一

諸葛侃條。晉孝武太元中。刊本元訛和。據五行記改。

卷一百四十三

彭偃條。以江中多蚌。刊本多訛名。據宣室志改。

卷一百四十四

呂羣條。計州郡所獲百千。刊本郡訛羣。據河東記改。

玉潛。刊本玉訛王。據因話錄改。

卷一百四十五

嚴遵美條。袴衫給事。刊本袴訛脰。又乃楊復恭奪宰相權也。刊本恭訛泰。並據北夢瑣言改。

安守範條。院僧驅逐之。刊本逐訛邇。據野人閒話改。

卷一百四十六

張寶藏條。以乳煎蕪菱方進。刊本菱訛撥。脫進字。據獨異志改增。

卷一百四十九

麴思明傳銓曹往例各合得一官刊本各訛冬據會昌解頤錄改
術士條二十椀橘皮湯刊本椀訛桃據逸史改

杜鵬舉條鵬舉父嘗夢有所之刊本脫父字據集話錄增

卷一百五十

裴謂條某開元七年罷河南府文學時刊本某訛其據前定錄改

卷一百五十三

李藩條知員外與李三郎往還刊本知訛之據逸史改

卷一百五十四

樊陽源條此夢固佳刊本佳訛往據續定命錄改

卷一百五十五

段文昌條文昌少好屬文刊本屬訛蜀今改

卷一百五十六

王沐條涯始一召見刊本脫見字據杜陽雜編增

舒守謙刊本守訛元據杜陽雜編改

卷一百五十七

李敏求條。今日故人此來。刊本故訛吾。今改。

卷一百五十八

成汭條。號曰和州載艦。刊本載訛載。又又有齊山截海之名。刊本載訛載。並據北夢瑣言改。

卷一百五十九

武殷條。聚族謀曰。刊本聚訛娶。今改。

卷一百六十一

南郡掾條。便將諸道同歸。刊本同訛何。今改。

卷一百六十二

孝彥佐條。爾河伯泊鱗介之長。刊本爾訛雨。今改。

卷一百六十三

李蒙條。蒙聞乃踰垣奔赴。刊本聞訛間。赴訛走。又暴風忽起。畫舸平沈。刊本脫暴風忽起四字。並據獨

異志改增。

卷一百六十四

晏子條。齊景公時有一人犯罪。景公怒。刊本罪訛衆。脫景公二字。並據獨異志改增。

李景伯條。并唱迴波詞。刊本迴波訛下兵。又微臣志在箴規。刊本微臣訛兵兒。並據唐詩紀事改。

蘇頌條。禮云。鸞鷁能言。不離飛鳥。刊本禮訛時。據曲禮改。

黃幡綽條。是勿兒得人憐。刊本脫人字。據因話錄增。

卷一百六十六

鮑子都條。乃賣二餅。刊本二訛一。據獨異志改。

吳保安條。解晏嬰之驂。刊本晏嬰訛夷吾。據史記改。又以釘貫足背釘之。刊本貫訛其。今改。

卷一百六十七

廖有方條。有方詞曰。刊本詞訛又。據雲溪友議改。

卷一百六十八

楊晟條。某受楊司徒提拔。刊本某受訛其授。今改。

卷一百六十九

唐太宗條。持論恒據經典。刊本典訛遠。今改。

卷一百七十

苗夫人條。昔賢多少。出風塵。刊本多訛誰。據雲溪友議改。

卷一百七十一

李崇條。除揚州刺史。刊本除訛險。今改。

魏先生條。伐有名之罪。刊本名訛民。今改。

卷一百七十二

趙和條。且言來歲齋本利以贖。刊本本訛水。今改。

劉方遇條。鎮州市人。刊本市訛士。據北夢瑣言改。

卷一百七十三

匡衡條。以書映光而讀之。刊本光訛之。據西京雜志改。

荀慈明條。不當以爲悖德乎。刊本爲悖訛是勃。今改。

卷一百七十四

李白條。中貴人以冷水沃之。刊本人訛之。據摭言改。

卷一百七十五

賈逵條。嫁瑤無嗣而歸。刊本脫嫁字。歸訛婦。據拾遺記增改。

卷一百七十七

裴度條。一皆注定。未曾限量。刊本皆訛生。限訛退。並據因話錄改。

于頔條。尚惟衣食之憂。伏惟賢公賜錢一千貫。刊本憂訛節。脫伏惟賢公四字。又便是公製作耶。刊本耶訛也。並據雲溪友議改增。

卷一百七十八

進士歸禮部條。乃命禮部侍郎專知焉。刊本禮訛吏。據撫言改。

題名條。同年推一善書者紀之。刊本紀訛己。脫之字。又則爲添前進士。刊本脫進士二字。並據撫言改增。

卷一百八十

牛錫庶條。累舉不第。刊本第訛舉。今改。

費冠卿條。夫旌孝行。刊本旌訛族。今改。

楊三喜條。次子戴。刊本戴訛載。據撫言改。

卷一百八十一

章孝標條。舊壘危巢泥已落。刊本壘訛累。據雲溪友議改。

卷一百八十八

路巖條。始巖在淮南。刊本脫在字。據玉泉子增。

卷一百九十一

魏任城王條。時樂浪獻彪虎。刊本脫時字。浪訛聞國。並據拾遺記增改。

卷一百九十五

蘭陵老人條。非澄慧眼不能知也。刊本慧訛惠。據酉陽雜俎改。

卷一百九十九

杜牧條。不如徐生云。刊本不如訛然無。據雲溪友議改。

溫庭筠條。得非六參簿尉之類耶。刊本六訛大。據唐詩紀事改。又庭筠詣韋曲杜氏林亭。刊本杜訛林。

據北夢瑣言改。

卷二百

李蔚條。舉篙濺水近坐。刊本濺訛淺。今改。

曹景宗條。帝欣賞不已。刊本脫賞字。據本傳增。

卷二百一

李約條。又養一猿。名山公。刊本山訛生。據因話錄改。

李德裕條。從事開筵。刊本開訛聞。據北夢瑣言改。

卷二百二

崔鉉條。真銷得錦半臂也。刊本脫錦字。據北夢瑣言增。

卷二百三

王中散條。當時咸疑有神仙之術。刊本當訛常。咸訛戚。今改。

卷二百四

許雲封條。卽李蕃外孫。刊本孫訛生。今改。

卷二百六

左伯條。伯英之筆窮神盡思。刊本神訛聲。今改。

卷二百十五

一行條。玄宗詔于文光殿改撰麻。刊本文訛大。據大唐新語改。

卷二百十九

梁新趙鄂條。仕至尙醫奉御。刊本醫訛藥。據北夢瑣言改。

卷二百二十

王布條。計僧去五六坊。刊本坊訛切。據酉陽雜俎改。

卷二百二十一

魏元忠條。異禮相接。因謂曰。刊本因訛自。今改。

卷二百二十三

婁于寶條。羅郎中遷于海島。刊本遷訛沒。據雲溪友議改。

卷二百二十五

雲明臺條。秦人皆謂之子午臺也。刊本謂訛言。據拾遺記改。

卷二百二十七

督君謨條。甘蠅。古之善射者。刊本甘訛具。據列子改。

卷二百二十九

漢太上皇條。工人視之。其銘尙存。刊本視訛規。尙訛面。並據拾遺記改。

卷二百三十四

劉孝儀條。鄭亦稱益州鹿。但未是珍珠。刊本鹿下衍痿字。珍珠訛尾耳。並據酉陽雜俎刪改。

組議條。學士鍾岍議曰。刊本岍訛岍。據酉陽雜俎改。

卷二百三十七

芸輝堂條。載妻王氏字韞秀。忠嗣之女也。刊本忠嗣訛縉。案唐書。縉未嘗爲太原節度使。今據改。

同昌公主條。如碧絲之貫真珠。刊本真訛其。又自漢至唐。刊本脫至字。又出內庫金玉駝馬。刊本脫

玉字。駝馬訛俟考駝。並據杜陽雜編改增。

卷二百四十

李嶠條。何勞兩縣索人夫。刊本夫訛催。據大唐新語改。

卷二百四十一

王承休條。隗囂僭位之邦。刊本邦訛拜。今改。

卷二百四十四

李德裕條。劉禹錫太和中爲賓客。刊本脫劉禹錫三字。又其文章精絕。何必覽焉。但恐迴吾之心。刊本精絕二字誤在吾字下。並據北夢瑣言改。

卷二百五十

劉玄佐條。滑州匡城人。刊本州訛城。據因話錄改。

卷二百五十三

陸士龍條。俱會張茂先座。張令接語。刊本脫座字。張令二字並據世說增。

卷二百五十五

司馬承禎條。此中大有佳處。刊本佳下衍景字。據大唐新語刪。

卷二百五十六

李德裕條。權傾諸夏。力排山。刊本權傾訛朝輕。據溫庭筠外集改。

卷二百五十七

朱澤條。何如郭素擬王軒。刊本素擬訛凝素。據雲溪友議改。
李台瑕條。文思殿大學士。刊本文思訛麗文。據北夢瑣言改。

卷二百五十八

張由古條。父範亦買得張佛袍集。刊本脫張字。據大唐新語增。

卷二百六十三

張易之兄弟條。昌儀于萬年縣街內行。刊本儀訛期。據朝野僉載改。

卷二百六十四

趙高條。恃此爲坊市害。刊本脫恃此二字。據酉陽雜俎增。

張從晦條。裂其禁械。刊本禁訛寅。據北夢瑣言改。

卷二百六十五

河中幕客條。瞻相孤貧。刊本脫相字。貧訛平。並據北夢瑣言改增。

卷二百六十六

薛昭緯條。又好唱浣溪紗詞。刊本溪沙二字互倒。據北夢瑣言改。

卷二百六十七

武承嗣條。喬知之有婢竊娘。刊本竊娘訛碧玉。據朝野僉載改。

卷二百七十

洗氏條。冊氏爲中郎將石龍太夫人。刊本石龍訛高涼。又脫中郎二字。並據隋書改增。

卷二百七十二

石崇婢鬪風條。屑沈水之香。刊本屑訛飾。據拾遺記改。

張楊妻條。我罪多矣。刊本脫多字。據北夢瑣言增。

卷二百七十三

徐月英條。時號美戲也。刊本脫美字。據北夢瑣言增。

卷二百七十四

韋臯條。姜曰卽某是也。刊本脫姜曰二字。據雲溪友議增。

卷二百七十六

薛夏條。果符先夢。刊本果訛以。據拾遺記改。

卷二百七十七

唐高祖條。唐太宗爲秦王時。案高祖夢徵在未舉義之先。太宗爲秦王在高祖卽位之後。此秦王二字誤。

又與晉陽令劉文靜。刊本靜訛靖。據唐書改。

卷二百八十

劉景復條。怨氣衝雲成彗字。刊本雲訛星。脫成字。彗訛慧。並據纂異記增改。

卷二百八十二

邢鳳條。凡數十篇。刊本篇訛句。據異聞錄改。

沈亞之條。幸免罪戾。刊本幸訛君。據夢遊錄改。

卷二百九十一

劉向條。夜有老人著黃衣。刊本黃訛墨。據拾遺記改。

卷二百九十七

陸仁蒨條。就見鬼人學之。刊本人訛神。據冥報錄改。

卷三百四

元載張謂條。二人因相賀曰。刊本相訛偕。脫曰字。並據宣室志改增。

卷三百六

袁生條。何爲塾生人魂。原本脫魂字。又夫人所以賴于神者。原本人神二字互訛。並據宣室志改。

卷三百九

蔣琛條。願持精衛銜石心。窮河源兮塞泉脈。刊本兮字訛在窮字下。今改。

卷三百十一

蕭曠條。卽老子所云。恍兮惚兮。其中有物也。刊本恍兮惚兮。訛恍恍惚惚。據道德經改。

卷三百十六

盧充條。先冬至一日。刊本先訛于。據搜神記改。

卷三百二十六

崔羅什條。嘉君吟嘯。故欲一敍玉顏。刊本嘉君訛皆若。欲訛入。並據酉陽雜俎改。

卷三百三十二

唐叵條。兒卽張氏也。刊本卽訛郎。今改。

卷三百三十四

鄭德楙條。至曰夫人趣郎迫。刊本曰訛日。夫人訛未入。迫訛進。並據宣室志改。

卷三百三十八

李公佐。刊本公佐二字互倒。據酉陽雜俎改。

卷三百三十九

潯陽李生條。無足怪矣。刊本訛不足甚矣。據宣室志改。

卷三百四十九

韋鮑生妓條。氣霽地表。刊本氣訛風。據文選改。

卷三百五十八

齊推女條。西漢長沙王吳芮。刊本長沙訛鄱縣。據漢書改。

卷三百五十九

王基條。有此三怪。刊本怪訛卦。據魏志改。

卷三百六十三

柳氏條。因扼其喉。刊本脫因扼二字。據諾臯記增。

卷三百六十四

僧智圓條。居數年。刊本脫居字。據酉陽雜俎增。

卷三百七十四

鄭仁本表弟條。有斤鑿數事。刊本脫數字。據酉陽雜俎增。

卷三百七十六

竹季真條。緡帛隨以修佛像。刊本脫像字。據宣室志增。

卷三百七十八

楊大夫條。不知卽今再生之恩。何以爲報。刊本再訛在。今改。

卷三百七十九

劉薛條。乃登城西望。刊本城訛越。今改。
李清條。清入至牀前。刊本牀訛村。今改。
費子玉條。不得託生。刊本託訛記。今改。

卷三百八十三

賀瑀條。印雖意所好。刊本印訛及。今改。

卷三百八十四

崔君條。折壽削官。刊本削訛罰。據宣室志改。

劉漑條。若別而不忘步。刊本別訛肘。據關尹子改。

卷三百八十六

朱氏條。負我家絹若干匹。刊本脫絹字。今增。

卷三百八十九

廣川王條。但有石牀。廣六尺。長一丈。刊本文訛尺。據西京雜記改。

卷三百九十

韓建條。有術士云。刊本脫士字。今增。

卷三百九十二

王璠條。數日有一叟請謁。刊本叟訛吏。據宣室志改。

柳光條。忽見一缶合于地。光卽啓之。刊本啟訛趨。又建號曰太和。其始蓋元年也。刊本和始二字互訛。

據宣室志改。

卷三百九十五

百大泓條。巫師命巫屬禱焉。刊本上巫字訛吾。巫屬訛屬官。據宣室志改。

卷三百九十六

不空三藏條。今祈之必暴雨。刊本脫雨字。據酉陽雜俎增。

卷三百九十八

太白精條。旬日來嘗有紫氣。刊本來訛未。今改。

卷三百九十九

燕原池條。久之。又於桑乾河得所射箭。刊本於訛與。所字訛在箭字下。今改。

卷四百

韋思玄條。嘗召術士數人。刊本召訛詔。士訛十。並據宣室志改。

卷四百一

呂生條。命家僮于其所沒處窮焉。刊本脫處字。據宣室志改。

玉辟邪條。束之牕戶間。刊本束訛刺。據杜陽雜編改。

卷四百三

玉清三寶條。又出一枕似玉。微紅。紅蕤枕也。刊本脫一紅字。蕤訛麩。據宣室志增改。

卷四百四

靈光豆條。其國在海東北四萬里。刊本在訛有萬訛方。並據杜陽雜編改。

卷四百五

文德皇后條。皆歐陽詢所爲也。刊本詢訛洵。今改。

卷四百六

椰子樹條。葉類海櫻。刊本葉訛亦。今改。

卷四百七

辦白檀樹條。峭巖間有大樹。刊本間訛問。今改。

卷四百九

正倒暈牡丹條。又有花葉中無抹心者。刊本有訛無。據酉陽雜俎改。

嶺表朱槿條。南人謂之佛桑。刊本佛訛弗。據酉陽雜俎改。

卷四百十

如何樹實條。厚可五分。似絮。刊本脫可字。似訛。以今改增。

卷四百十一

三蔬條。宮人採帶其莖葉。香氣歷月不歇。刊本採帶訛掐香。氣訛者。據拾遺記改。

卷四百十六

竇寬條。解縣權鹽使判官。刊本權訛推。據宣室志改。

卷四百十七

梁生條。固其常矣。今反是焉。刊本脫今反是焉四字。據宣室志增。

卷四百十九

柳毅條。月餘到卿。刊本月餘訛曰余。據異聞集改。

卷四百二十一

趙齊嵩條。所親曰。刊本所訛疎。今改。

卷四百二十二

盧元裕條。因盛諸盂水之內。刊本因訛逸。今改。

卷四百二十四

濛陽湫條。嘗鄙之。刊本嘗訛當。今改。

卷四百二十六

袁雙條家貧作客。刊本作客二字互倒。今改。

卷四百二十八

勤自勵條。不肯再嫁。刊本嫁訛見。今改。

卷四百二十九

張逢條。卽復人形矣。刊本復訛服。今改。

卷四百三十四

河內崔守條。假佛像金數鎰而竟不酌直。刊本竟訛競。今改。

卷四百三十五

周穆王八駿條。不期而自服。刊本服訛報。據拾遺記改。

曹洪條。引洪上馬。刊本洪訛守。據拾遺記改。

卷四百三十六

王薰條。燭前忽有巨臂出。刊本臂訛擘。據宣室志改。

卷四百三十七

崔仲文條。俱爲劉撫軍府吏。刊本撫府二字互訛。軍訛君。據下文改。

卷四百三十九

杜願條。梓潼涪人也。刊本也訛他。今改。

卷四百四十二

晉陽民家條。數夕聞林中有嬰兒號。刊本夕訛多。據宣室志改。

卷四百四十四

周羣條。遊岷山採藥。刊本藥訛石。據拾遺記改。

卷四百四十五

楊叟條。臥而呻吟。且經數月。刊本經訛僅。據宣室志改。

卷四百四十七

僧服禮條。追之不及。刊本追訛足。今改。

卷四百五十

唐參軍條。但餘鼻存。刊本餘訛余。今改。

卷四百五十一

李磨條。其後李充祖綱入京。刊本充訛克。綱訛綱。今改。

卷四百五十二

任氏條。峯迎問之有乎。曰有。刊本脫曰有二字。今增。

卷四百五十四

計真條。今日永去。刊本永訛求。據宣室志改。

尹瑗條。爲晉陽普原尉。刊本普訛太。據宣室志改。

卷四百五十五

張直方條。秉炬猛曳白梠而登階。刊本炬猛二字互倒。今改。

卷四百五十七

李林甫條。遂徙而居焉。刊本徙訛從。據宣室志改。

韋子春條。風雷旣息。刊本脫雷字。據宣室志增。

無畏師條。無畏乃責之曰。刊本責訛憤。據宣室志改。

卷四百五十八

檐生條。縣令聞其見蛇不死。刊本聞訛問。今改。

嵩山客條。善射者發一箭。刊本脫者字。今增。

卷四百六十二

梁祖條。是烏鳥也。刊本烏訛鳴。據北夢瑣言改。

夜行遊女條。不可露處。刊本脫處字。據酉陽雜俎增。

卷四百六十三

杜鵑條。嘗有人行山。刊本山訛出。據酉陽雜俎改。

卷四百六十七

柳宗元條。兼能假君祿。益君壽。刊本脫壽字。據宣室志增。

卷四百七十四

李揆條。見一蝦蟆俯於地。高數寸。刊本寸訛尺。又豈非上帝以榮命付公平。刊本榮訛密。並據宣室志改。

卷四百七十六

石憲條。其僧乃羣蛙耳。刊本耳訛而。今改。

卷四百七十八

徐宣之條。伏以王子日不遵典法。刊本典訛曲。今改。

卷四百八十八

鶯鶯傳條。不數月復遊於蒲。刊本不訛下。據會真記改。

卷四百八十九

周秦行記條。楊潘至矣。刊本潘訛家。據因話錄改。

卷四百九十八

劉禹錫條。惟兔葵燕麥動搖于春風耳。刊本葵訛蔡。據本事詩改。

卷四百九十九

高駢條。舍于刺史衙。刊本刺訛別。據北夢瑣言改。

簡端錄 明邵寶撰

卷二

困九五利用祭祀之簡。既濟以中實。刊本實訛虛。案既濟之禴在九五。當作中實。今改。

卷五

多方天惟五年須暇之子孫簡。武王代商。遲之又久者。刊本又訛之。據禮記改。

卷八

太室屋壞之簡。故魯人以其廟爲世室。而左氏稱之實太室云。刊本太訛世。據左傳改。

睽車志 宋郭彖撰

卷一

儀真報恩長老條。行巖谷荆莽中二十餘里。乃得路還。刊本還訛邁。今改。

卷三

泉州永春縣條。蘇之神隨至。原本蘇訛宋。據上文改。

卷四

張無盡之子龍圖公條。復問須油安用。原本問訛須。又煩再爲吾誦十部。原本部訛奇。今並改。

夷堅志 宋洪邁撰

卷四 甲部

蘄守妻妾條。遇妾侍如束濕。原本束訛來。據漢書改。

卷八

絳州鼓堆泉。原本鼓訛骨。據山西通志改。

卷三 乙部

洪季立條。生於元符己卯。至紹興丙子。歲五十八矣。原本丙訛庚。案高宗丁未卽位。紹興二十六年丙子。距元符己卯。正五十八年。並無庚子之歲。今據改。

卷四 丙部

完顏亮詞條。坐視銀蟾出海。原本銀蟾訛蟾宮。海訛現。並據程史改。

博物志 晉張華撰

卷一

地理條。魏前枕黃河。背漳水。刊本漳訛障。據三國志改。

山條。五嶽。華。岱。恒。衡。嵩。刊本衡訛泰。據爾雅改。

水條。泗出陪尾。刊本陪訛涪。據禹貢改。

五方人民條。食水產者。龜蚌螺蛤以爲珍味。刊本蚌訛蛇。據漢魏叢書改。

卷三

異獸條。九真有神牛。刊本真訛守。據漢魏叢書改。

卷四

物性條。龜二千歲。遊于蓮葉。巢于卷耳之上。刊本脫遊於蓮葉四字。據漢魏叢書增。

卷五

魏王所集方士名條。魏國軍吏河南趙聖卿。案趙。續文獻通考作麴。

卷六

地理考。舊洛陽字作水邊各。火行也忌水。故去水而加佳。案各字下。嬾真子有漢字。

卷七

異聞條。孝元竟寧元年。南陽郡中雨穀。刊本竟訛景。據漢書改。

卷九

雜說條。水之怪爲龍網象。木石之怪爲躩魍魎。刊本石字訛在水字下。據國語改。

述異志 梁任昉撰

卷下

哀牢夷條。一兒不去背。龍因舐之。原本舐訛詆。據後漢書改。

酉陽雜俎 唐段成式撰

序文

崔駟真龍之歎。刊本駟訛駟。今據漢書改。

卷一

永貞年。東市百姓王布案。永貞。乃唐順宗年號。刊本貞訛眞。今據唐書改。

卷二

秀才權同休一條。令其市甘草。刊本市訛示。今改。

卷三

天后任酷吏一條。乃讖緯書也。刊本緯訛諱。今改。

卷十四

天寶初安思順進五色玉帶一條。忽颶風四起。刊本颶訛起。今改。

清異錄 宋陶穀撰

卷上

和事草葱和美衆味。原本美訛羹。今改。

法苑珠林 唐釋道世撰

卷八

王莽條。操持萬物。大小各自稱。三日乃止。原本脫乃字。又止訛正。並據搜神記增改。

卷十一

高辛氏條。後自相配偶。因爲夫婦。原本夫婦訛次妻。據搜神記改。

卷二十三

宋沙門曇遠條。號踊之外。便歸心淨土。原本踊訛誦。據太平廣記改。

卷二十五

晉劉度平條。聊城人也。原本聊訛遼。據太平廣記改。

卷三十五

唐并州玄中寺釋道綽。姓衛。并州文水人也。原本文訛汶。據一統志改。

卷四十四

宋馬處伯條。廊壁煥耀。皆是珍寶。原本煥耀訛作環曜。據太平廣記改。

卷四十六

引證條。不離僧念。便獲功德。是名念衆。原本衆訛僧。案阿舍經云。三謂念衆。今據改。

卷五十二

高齊文宣條。高洋駝駝來也。原本洋訛詳。據北齊書改。

卷五十九

宋襄城李頤條。便奪取刀反斫殺李。刊本殺李二字互倒。據搜神記改。

卷六十五

宋袁廓條。就案上取一卷文書勾黯之。原本勾訛句。據太平廣記改。

宋卞悅之條。元嘉十四年丁丑。原本四訛八丁訛己。案元嘉元年甲子。則十八年非己丑。當依太平廣記作十四年。而已丑乃丁丑之訛也。今據改。

卷六十九

晉程道惠條。小鬼謬濫。枉相錄來。亦由君忘失宿命。原本忘訛妄。又獬犬嚙人。原本獬訛掣。又元嘉

六年卒。八十九矣。原本八訛六。並據太平廣記改。

卷七十

晉王文度。原本文度訛王文。又平北將軍。原本北訛地。又何故復召耶。原本召訛名。並據太平廣記改。

卷七十八

益州之西。雲南之東。有神祠。原本脫東字。又清淨不宰殺。原本宰訛停。並據搜神記增改。

晉張應條。應眠覺。便炳火作高座。原本應下衍先巧二字。據太平廣記刪。

卷七十九

赤松子條。能入火不燒。原本不訛自。據搜神記改。

卷八十

漢哀帝條。汝南西平遂陽鄉有樹。仆地。原本遂陽二字互倒。據搜神記改。

卷八十四

宋太始元年。江州長史鄧琬立刺史晉安王子助爲帝。原本太始訛泰初。案宋書。鄧琬立王子助在明帝太始元年。今據改。

卷一百十三

魏孝昌條。至臺南了無人家。原本了訛可。又初甚怪之。原本初訛遇。並據洛陽伽藍記改。

卷一百十四

晉沙門康法朗條。容色光悅。病狀頓除。原本病訛痛。頓除訛休然。據神僧傳改。

卷一百十六

晉杜錫家葬而婢誤不能出。原本晉訛漢。錫訛嘏。據搜神記改。

法藏碎金錄 宋晁迥撰

卷九

若有人志於道者。但能不失聞思修三慧。原本能不二字互倒。今改。

卷十

了知諸念條。晝坐夜臥。一向栖心。刊本晝訛夜。今改。

林間錄 宋釋惠洪撰

卷上

雪竇禪師條。天監十三年。原本監訛鑒。據梁書改。

佛祖歷代通載 元釋念常撰

卷二

五紀燧人氏條。禮曰。燔黍捭豚。刊本捭訛擘。又釋米捭肉加於燒石之上食矣。刊本釋訛擇。捭訛脾。並

據禮記注改。

三王周注。安烈顯慎觀。刊本烈訛夷。又顯下衍聖字。並據史記及通鑑綱目改刪。
十四國諸侯陳胡公滿注。自胡公下申桓孝慎。鹵釐武夷。刊本夷訛英。據史記改。
燕召公奭注。自公以下九世至惠侯。刊本以訛之九訛元。至訛王。並據史記改。

卷三

癸丑二十五年案通鑑綱目作庚戌二十二年釋氏生與此異。

乙未鄭桓公友注自桓下武莊厲昭慶嬰文繆刊本文繆訛厲復據史記改。

卷五

東漢袁宏漢紀條故所貴行善修道以鍊精神不已以至無生而得爲佛也刊本鍊訛敵生訛爲並據漢書楚王英傳注改。

卷八

魏太武帝條夫山海之深怪物多有奸姪之儔得容假託刊本脫怪物二字又多有訛寧免並據魏書增改。

魏文成帝條於是駭然心形俱肅刊本肅下衍信乎二字據北史刪。

卷十

陳高祖武皇帝注吳興長城下若里人刊本脫若字又叙身長七尺五寸刊本七訛二五訛八並據陳書及南史增改。

卷十一

唐太子建成條遺情物外刊本遺訛違又物外二字互倒據唐書改。

卷十二

詔斂天下僧錢條。皆記佛法誣訛愚人。刊本誣掛。又倍取其多。刊本倍取訛富有。並據唐書改。

卷十三

魯山令元德秀條。無苟辭佚色。刊本脫無字。據唐書增。

卷十四

東都聖善寺條。如珠在盤。盤定珠惠。刊本脫一盤字。又定訛走。又變相非有。刊本變訛二。並據白氏長

慶集增改。

卷十五

憲宗注。以吐突承瓘為招討使。刊本吐訛北。又突下行厥字。並據唐書及通鑑綱目改刪。

撫州景雲寺律師上弘條。故坐甘露戒壇而誓衆生盟者二十年。刊本誓訛擔。二訛三。並據長慶集改。

卷十七

吳越錢元瓘。刊本元訛傳。又注字明寶。刊本明訛文。並據五代史改。

卷二十一

元慶壽海雲大士遷化條。今日但有客過。當令來見。刊本客訛旦。據傳燈錄改。

開分三界注。金牀玉几。刊本牀訛林。几訛机。並據列傳改。



陰符經講義 宋夏元鼎撰

卷二

不知不神之所以神。原本脫不神二字。又之訛其。並據別本改。

卷三

生者死之根。講義。至理幽微。學者罕知。原本幽訛顯。知訛之。並據別本改。

卷四

雲峯入藥鏡箋序。永嘉夏宗禹奇偉倜儻。以畫策從事。原本永訛東。以訛之。畫訛畫。今並改。
雲峰後序。因是得以神守氣之術。原本因訛恩。神訛閉。今並改。

老子翼 明焦竑撰

卷一

道常無名。呂注。譬道之在天下。猶川谷之於山海。刊本於訛與。今改。

卷二

名與身孰親。呂注。烈士之所殉者名也。刊本烈訛列。今改。

道生之德畜之。呂注。亨之毒之。刊本。亨訛成毒。訛熟。據經改。
道者萬物之奧。窆注。東南隅曰窆。刊本。窆訛突。據爾雅改。

卷三

薛道衡老子廟碑。九鼎共海水同飛。兩日與洛川俱鬪。刊本。鬪訛斲。今改。
秦系。天寶末避亂刻溪。刊本。溪訛漢。據唐志改。

御注道德經

上篇

第二十章。衆人熙熙。如享太牢。如登春臺。刊本。登春二字互倒。據別本改。

下篇

第三十八章。攘擘而扔之。刊本。扔訛仍。據王弼註本改。

第五十六章。不可得而利。注。等觀順逆而孰爲利害。刊本。復衍爲字。又總注。其爲天下貴。不亦宜乎。刊

本。不亦二字互倒。今並刪改。

第五十七章。總注。然法禁于法之所加。刊本。下法字訛禁。據上下文義改。

第六十章。總注。人之所以傷神者爲多。則人其能不傷人乎。刊本。不訛可。今改。

第六十六章。是以處上而人不重。處前而人不害。是以天下樂推而不厭。刊本脫處前而人不害六字。據別本及本章總注增。

第七十二章。總注。故曰去彼取此。刊本取訛去。據經文改。

第八十章。使有什伯人之器而不用。刊本脫人字。據別本增。

關尹子 舊本題周關尹喜撰

序。若履橫波而浮乎大海之沙漠。刊本波訛枝。今改。

二柱篇。知此說者。風雨雷電皆可爲之。刊本知訛如。據上文改。

七釜篇。可以測星辰。刊本測訛侍。據上文改。

著者 (清) 王太岳等撰 書碼 082.47
 Author Call No. 7437
 書名 四庫全書考證：(二九)
 Title

登錄號碼 007499
 Accession No.

月 日 Date	借 閱 者 Borrower's Name	月 日 Date	借 閱 者 Borrower's Name

國立中央圖書館

082.47

7437

書碼 29

007499

登錄號碼

國立中央圖書館



0007499



47

籍